



Nr. 257 Prot.

Tiranë, më 15 korrik 2021

Kriteret dhe procedurat e pranimit për shtetas shqiptarë në programin e integruar të studimit “Master i Shkencave” në Farmaci, Raundi i parë, viti akademik 2021-2022

Programi i integruar i studimit “Master i Shkencave” në Farmaci ka një kohëzgjatje prej 5 vitesh akademike dhe zhvillohet në gjuhën italiane.

I. Kuotat dhe kriteret e pranimit

Për raundin e parë, në programin e integruar të studimit “Master i Shkencave” në Farmaci do të vihen në dispozicion të kandidatëve shtetas shqiptarë 55 kuota.

Kandidatët duhet të kenë përfunduar arsimin e mesëm dhe të plotësojnë kriteret e mëposhtme:

- janë pajisur me dokumentacionin ligjor të përfundimit të arsimit të mesëm;
- plotësojnë kriterin e notës mesatare të përcaktuar me Vendim të Këshillit të Ministrave (VKM) nr. 436, datë 03.06.2020 e ndryshuar me VKM n.46 datë 27.1.2021 të Republikës së Shqipërisë për vitin akademik 2021-2022, sipas të cilit nota mesatare **duhet të jetë e barabartë ose më e madhe se 6.5** (referuar sistemit arsimor shqiptar);
- nuk mund të ndjekin njëkohësisht më shumë se një program studimi në universite publike dhe/ose jopublike, shqiptare dhe/ose të huaja.

Përzgjedhja e kandidatëve do të bëhet nëpërmjet kriterit të mëposhtëm:
Llogaritjes së mesatares së përgjithshme të shkollës së mesme.

II. Aplikimi

Për të aplikuar në raundin e parë, kandidatët duhet të përzgjedhin në portalin online U-Albania: <https://ualbania.arsimi.gov.al/> programin e integruar të studimit “Master i Shkencave” në Farmaci të Universitetit Katolik "Zoja e Këshillit të Mirë", **në datat 29 korrik deri në 3 gusht 2021.**

Kandidatët do të renditen sipas mesatares së përgjithshme të shkollës së mesme duke ndjekur rendin zbritës. Lista e renditjes së kandidatëve do të publikohet në ambientet e Universitetit dhe në faqen zyrtare: www.unizkm.al **në datat 26 – 29 gusht 2021.**

III. Procesi i regjistrimit

Të gjithë kandidatët që janë shpallur fitues të raundit të parë në bazë të renditjes sipas mesatares së përgjithshme të shkollës së mesme duhet të regjistrohen pranë Sekretarisë Mësimore **në datat 2 deri 15 shtator 2021.** Sipas Udhëzimit nr. 10, dt. 15.05.2019 të Ministrisë së Arsimit, Rinisë dhe Sportit (MASR), kjo periudhë është e ndarë në 7 faza. Çdo fazë zgjat 48-orë. *Kandidatit të shpallur fitues, i dërgohet një e-*



UNIVERSITETI KATOLIK ZOJA E KËSHILLIT TË MIRË

kandidatit. Kur kandidati është shpallur fitues, ai duhet të paraqitet pranë Sekretarisë Mësimore brenda afatit 48-orësh. Kur kandidati nuk regjistrohet brenda afatit 48-orësh, ai humbet të drejtën e regjistrimit dhe Sekretaria Mësimore thërret automatikisht kandidatin tjetër. Këto faza vijnë deri në plotësimin e kuotave dhe përfundojnë në datën 15 shtator 2021. Nëse pas përfundimit të listës së renditjes, do të mbeten ende kuota të paplotësuara dhe nuk do të ketë kandidatë në pritje, do të rikthehen në garë kandidatet e shpallur fitues të cilët nuk janë paraqitur për regjistrim në fazat paraardhëse dhe nuk rezultojnë të regjistruar në programe të tjera studimi.

Për t'u regjistruar, kandidatët e shpallur fitues duhet të dorëzojnë pranë Sekretarisë Mësimore personalisht ose nëpërmjet përfaqësuesit të autorizuar me prokurë nga ana e tyre, dokumentacionin e mëposhtëm:

- Mandatpagesë nga Banka për shlyerjen e kështit të parë ose të kështit të plotë të tarifës vjetore të studimit (Urdhërpagesa për t'u paraqitur në bankë shkarkohet nga portali studenti: portal.unizkm.al, zëri "Tariffe");
- Diplomë e Maturës Shtetërore në origjinal bashkë me fotokopjen e noterizuar të saj;
- Certifikatë e Maturës Shtetërore në origjinal bashkë me fotokopjen e noterizuar të saj;
- Raport mjeko-ligjor që vërteton aftësinë për të ndjekur studimet;
- Vërtetim banimi;
- Certifikatë familjare;
- Fotokopje e një dokumenti identifikimi të vlefshëm (kartë identiteti ose pasaportë);
- Certifikatë e mbrojtjes së gjuhës së huaj bazuar në Ligjin nr. 80/2015 "Për Arsimin e Lartë dhe Kërkimin Shkencor" dhe në Udhëzimin e MASR nr. 20, datë 22.9.2017 (nëse kandidati e disponon);
- 2 fotografi, format dokumenti.


Gjithashtu pranë Sekretarisë Mësimore do të plotësohen:

- Kërkesa e regjistrimit (kërkesa mund të shkarkohet edhe nga portali studenti: portal.unizkm.al);
- Deklarata e paraqitur në Shtojcat e Udhëzimeve përkatëse;
- Kontrata e regjistrimit;

Në momentin e regjistrimit kandidati duhet të ketë njohuri të mjaftueshme të gjuhës italiane, pasi pranë Universitetit do të kryejë një testim mbi njohjen e gjuhës italiane. Pas regjistrimit do të kryhet edhe një testim i njohurive të përgjithshme, i cili nuk do të ndikojë në renditjen e kandidatëve, pasi renditja do të bëhet në bazë të notës mesatare së përgjithshme të shkollës së mesme.

IV. Procesi i çregjistrimit

Kandidati ka të drejtë të çregjistrohet vetëm në datat 16 – 17 shtator 2021. Ai paraqet një kërkesë për çregjistrim pranë Sekretarisë Mësimore duke tërhequr dokumentet e dorëzuara. Nëse ky veprim nuk kryhet në këto data, ai nuk ka të drejtë ta ndryshojë programin e studimit për këtë vit akademik. Çregjistrimi kryhet në portalin U-Albania dhe pranë Sekretarisë Mësimore.

Rektori

Prof. Bruno Giardina

